



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

Vita domini Euerhardi plebani sancti Iacobi, cap. 98

urn:nbn:de:hbz:466:1-13177

seruum suum Bernardum. Adhuc virgo dicitur esse carne : & est haec historia satis celebris in ordine nostro. APOLLONIVS: Si sancti viri sic turpiter tentantur, non amodo verecundabor tantum, ut haec tenus, confiteri meas immundas tentationes, timui ne confessores me despicerent, turpia confitentem. CAESARIUS: Si sunt confessores discreti, non debent accusantes se spernere, sed consolari, ne similem temptationem incurrant. Hoc cuidam sacerdoti sancto & decrepito contigisse cognoui.

CAPUT XC VIII.

*Confessarij ne
spernant
tentatos,
ne eis ipssi
tententur.*

*D. Euer-
hardi pa-
toris S.
Iacobi
Coloniae
res ge-
rae.
Job 29.*

Lue. 22.

2 Cor. 12

Coloniæ parochiam sancti Iacobi Apostoli sacerdos quidam sanctus & religiosus regebar, quam splendor multarum virtutum illustrem fecerat; erat autem literatus, humilis, castus, affabilis, pauperum pater, religiosorum susceptor, totius Christianæ religionis amator, Deo charus, toti ciuitati acceptus: Ipse est dominus Euerhardus, prædictæ Ecclesiæ plebanus, qui conuersionem Abbatis nostri Germardi præuidit, sicut dictum est in prima distinctione capitulo septimo. Ea quæ de se beatus Job enumerat bona, huic justo copiosè fatis gratia contulerat diuina. Tempore quadragesimali, cum cinium filij iunes ac delicati cōfiterentur peccata sua, maximè carnis incentiua, quæ fomentare inultum solent cibaria delicata; quia tales minus in se experiebatur passiones, durius quandoque illos, quam expediret, arguit, dicens: Turpe est, quod homines Christiani motibus tam turpibus agitantur: & scandalizauit pusillos, aliquam eis ingerens desperationem. Sed justus & misericors Deus, qui Perrum ob gregis salutem cadere permisit, sernum sibi dilectum flagello temptationis erudituit, & vt subditis sciret cōpati, passione corripuit consimili, ita vt dicere posset cum Apostolo: Ne magnitudo reuelationum extollat me, datus est mihi stimulus carnis meæ, angelus satanæ, qui me colaphizet. Ex hoc in seipso didicit, quomodo aliis deberet mederi. Tempore quodam cum Abbas Hermannus, de quo supra dixi, nouitus monachus factus, stimulo car.

carnis plus, quam ei placeret, entaretur, & audita fama sanctitatis eius, ipsum adisset, sperans se meritis precibusque illius aliquid posse reuevari, ad missas se præparantem ipsum inuenit; cui cum propter tempus confessionem facere, sicut proposuerat, non posset, in aure ei secretius dixit: Pater, grauiter patior stimulū carnis, orate Deum ut liberet me; quem cum ille respxisset, quasi ex abrupto clamosa voce respondit: Certe ego simile patior, quid ergo pro vobis orare potero? &, sicut mihi retulit idem Hermannus, ex hoc ipso ædificatus recessit, quod hominem sanctum & senem sibi similia pati cognouerat. De quo narrauit mihi sacerdos quidam religiosus, qui satis de vita eius noverat, quod quotiens osculum pacis alicui clericoru in missa porrigebat, magis illum timore temptationis, ore in aliqua parte faciei tunderet, quam oscularetur. Quia virtus in infirmitate perficitur, tempore quodā Dominus dilectum suum tam valido dolore capitū (quem etiam glosa una in Apostolo vocat stimulum carnis) tentauit & affixit, ut illum viuere tñderet: qui cum minus orare posset aut legere, adiit quendam Medicum peritum, rogans sibi propter Christum contra dolorem tam continuum aliquod dari consilium. Ille magis appetē pecuniam, quam mercedem diuinam, respondit: Si dederitis mihi tres marcas, bene curabo vos. Cui cum diceret vir sanctus, tres marcas non habeo, dimidiam autem libens impendam, respondit physicus: Pro tantillo nolo laborare. Tunc ille; Si haberē tres marcas, prius darem eas pauperibus, quam vobis, infirmitatem meam Deo cōmittō; Iustum Dei judicium: Hoc cum dixisset vir beatus, & recederet, in ipsa hora dolor capitū totaliter eum deseruit, & impium Medicum inuasit. Nihil de infirmitatis quantitate minuebatur, nihil de modo & qualitate mutabatur. Ex tunc poterat ei verbo euangelico reprobrare: Medice cura te ipsum. Hoc Lata 4. miraculum cuidam canonico sancti Seuerini, nomine Rudolpho, arte medico, à quo in eiusdem confessoris festo fuerat inquitatus, me audiente excitauit,

2 Cor. 12

Haymo
in sillo.
cum

uit. APOLLONIUS: Quia huius venerabilis sacerdotis fama valde celebris est in urbe Colonia, peto, ut si aliqua de illo nosti ædificatoria, dicere mihi non pugniteris. CÆSARIUS: Ex operibus eius pauca percepī, quæ tecum communicabo. Cum die quadam corpus Domini deferret in pixide ad infirmum communi- candum, & deuenisset in stratam altam & angustum, quam ego saepius ambulaui, essetque nimis lutosa atque profunda, obuios habuit asinos frumento one- ratos: sacci autem parietem ex parte vira contingebant, ex altera de strata dependebant: Scholaris vero, qui præcedebat cum laterna, magno cum labore, nunc impellens asinos, nunc ab ipsis impulsus, pertransiuit: Sacerdos haec videns, & quod vir senex esset ac debilis considerans, pallere coepit ac tremere, timens ab asinis impelli, & in luti illius profunditatem cum Sacramento precipitari. Necesse erat ut tentatio talis iustū probaret, quatenus fides eius amplius claresceret. Cernens humanū deesse auxiliū, ab eo quē portabat inspiratus, in haec verba prorupit: Quid est quod agitis o asini? nunquid non consideratis quem geste in manibus meis? State, descendite, date honorem creatori vestro; in eius siquidem nomine vobis præcipio. Mira obedientia animalium brutorum, ad vocem sacerdotis simul omnes steterunt, simul descendebant. Accessit miraculum miraculo: cum esset de scensus laboriosus, non sunt lapsi sacci de dorsis asinorum, quorum obedientiam vir sanctus admirans, Deumque glorificans, sine periculo ad infirmum peruenit. Hoc factum satis celebre est usque hodie in civitate Colonia. Quantæ fuerit humilitatis, se- quens lectio declarabit. Solebat ex consuetudine pauperes ad prandium suum vocare, inducti sunt die quadam duo, ex quibus unus ita erat infirmus, ipso que aspectu tam horridus, ut alter cum illo manducare recusaret: fuerat eis mensula ex opposito sacerdotis preparata. Quod cum vir Dei considerasset, pauperem despectum vocans, & in paupere Christum honorans, sellam illi contra se ponere iussit, & ex una scutella

Scutella vñōque schypho cum eo comedere & bibere non contempsit. Dicitur etiam fuisse consuetudo ei, delicata cibaria, tum propter socios & hospites, tum propter infirmos pauperes, quos in domib⁹ decubare nouerat, saepius præparasse, cumque illi apposita fuissent, diligētiūs illa conspexit, odorem hausit, manu verrit, ut sic appetitu prouocato, amplius tentaretur, & eis propter Christum non vtendo plus meretur. Deinde dixit puer: Vade defer scutellam istam viduæ illi, vel tali pauperi siue infirmo, quia magis indigent quam ego. Dum huiusmodi operibus lucerna illa ardens luceret in domo Dei, placuit Deo, ut per talem occasionem amplius adhuc claresceret. Dominus Philippus Coloniensis Archiepiscopus, dum propter castra, quæ emerat beato Petro, multis debit⁹ essem obligatus, dictum est ei à quibusdam, quod plebanus supradictus multam haberet pecuniam repositā.

Missi sunt qui pecuniam accommodarent. Negante sacerdote, quod pecuniam nō haberet, datis arcæ suæ clauib⁹, nihil in eis inuentum est, nisi calceamenta bouina & vñcta, quæ ad usus pauperum comparauerat. Reuersi cum erubescientia, qui missi fuerant, ruitauerunt hæc Episcopo, qui sibi timens, sicut audiui à quodam sacerdote, pro eodem sacerdote venerabili misit, ad pedes illius se prostrauit, de illata iniuria veniam postulans. Ordinem nostrum specialiter dilexit, & cum vellet in eō conuerti, à quibusdam Abbatibus eiusdem ordinis est auersus, ut intellexi, scientes vitā eius esse sanctissimam, & personis sacerdotibus valde necessariam. Cum esset decrepitæ ætatis, virtutibus consummatus, migravit ad Dominum, sepultusq; est in ecclesia beati Gregorij martyris. APOLLONIVS: Si virum tam sanctum & tam senem luxuria tentauit, non mirabor si iuuenes inuidit: CÆSARIYS: Sicut dixi, luxuria vix alicui parcit ætati: Luxuria coluber *Gen. 49* est in via, ceraastes in semita, mordens vngulas equi, ut cadat ascensot eius retro. Ecce exempla.

Accommoda-
moda-
rent, pro-
mutuò
peterent.

C A